

明倫彙編 家範典

家範典 家範典 家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

家範典

弘簡錄卷四十六

明刑部員外郎仁和邵經邦弘齋學

皇清翰林院侍講學士四世孫遠平校閱

皇后 唐七之一

高祖后竇氏

太宗后長孫氏

徐賢妃

高宗后王氏

中宗后趙氏

韋庶人

睿宗后劉氏

竇氏

玄宗后王氏

武氏

楊貴妃

肅宗后張氏

吳氏

代宗后獨孤氏

沈氏

德宗后王氏

妃韋氏

順宗后王氏

憲宗后郭氏

鄭氏

穆宗后王氏

蕭氏

敬宗后郭氏

武宗王賢妃

孟才人

宣宗后鬼氏

昭氏

懿宗后王氏

郭淑妃

昭宗后何氏

高祖后竇氏京兆平陵人父毅為周上柱國尚武帝姊襄陽長

公主入隋爲定州總管神武公后初生有奇相髮垂過頸三歲
與身齊讀女誡列女傳一過不忘武帝愛之異於他甥命養宮
中時帝納突厥女爲后無寵常密諫曰國未安靖敵且強願抑
情撫接庶不擾吾江南關東帝嘉納崩日哀毀有同所生聞隋
高祖受禪自投牀下曰恨非男子不能救舅家之禍父母遽掩
其口曰毋妄言赤吾族自是知其識見不凡不欲妄納人聘屏
間畫二孔雀凡來請婚使射二矢陰約中目則許之閱數十皆
不合高祖最後射中各一目遂歸焉適元貞太后羸老有疾諸
姒畏其性嚴皆莫敢侍獨后事之怡謹盡孝或淹旬不釋衣履
復工爲規誡篇章文雅尤善書與高祖相雜輒不能辨年四十
五崩於涿郡祖初爲扶風太守值煬帝好鷹愛馬勸以駿馬數
匹獻上不聽頃果坐譴祖追思后言方爲自安計數奏鷹犬異

駒帝喜遽擢將軍因泣謂諸子曰早用母言何久淹此登位追尊爲皇后卽所塋園爲壽安陵諡曰穆後祔獻陵加太穆生太宗時夢有二龍之符於諸子中愛視最篤卽位後過慶善宮念后罔極之恩因號慟左右皆泣卽正寢以享他日幸九成宮復夢后若平生旣寤潛然不自勝明日詔有司大發廩賑貧瘠以爲后報上元中增諡太穆順聖神皇后

太宗后長孫氏洛陽人其先出後魏獻文帝世襲太人之號爲宗室長賜姓長孫氏高祖禪大丞相封馮翊王曾祖于裕衛尉卿封平原公祖光襲封爲左將軍開府儀同三司父晟字季涉獵書史性趨驚曉兵法仕隋爲左驍衛將軍母高氏揚州刺史敬德之女后少嗜讀書喜觀圖傳視善惡以自鑒矜尚禮法晟兄熾爲周通道館學士嘗聞太穆勸撫突厥女心誌之語晟曰

此人明睿必有奇子故擇歸李氏年方十三歸寧之日舅士廉夢大馬立舍外命占之遇坤之泰筮者舉易卦占象以對後皆符合初受冊爲秦王妃時隱太子構費高祖復多內寵后內盡誠孝外承諸妃消釋嫌猜及難作方引將士入宮授甲后親慰勉士皆感奮由皇太子妃立爲皇后贈父司空追封齊王諡曰憲后性約素服御祇取給不尚華侈益觀書帝或言及朝廷政事輒以蠶織爲辭固要不對後庭有過請帝繩之俟意解徐爲開釋不令有寃嬪御或生公主視如所生疾病輒御藥診視咸懷以仁兄無忌拜僕射輔政后切諫歷舉前代鑒誠帝固用之復密論令牢讓不獲已始聽喜見顏間幼時喪父異母兄安業無行與無忌咸逐還外家後安業與李孝常等謀反將誅恐人疑其釋憾復叩頭祈請遂得減流太子承乾乳媼請增東宮什

罷戒曰所患在無德不能保身揚名何以罷爲從幸九成宮染恙會聞柴紹惡變帝甲而起卽興疾以從宮司諫止后曰上方震驚吾何敢自逸疾稍亟太子欲請赦度僧后曰赦令大事佛老異教上素所憎豈宜以吾亂之且死生有命若修福可延吾早爲善設爲善無效更復何求旣而羣臣請帝許之后反固爭而止及大漸泣與帝訣適玄齡小譴就第勸以久事陛下預奇謀秘計非大故幸勿棄之又妾之本宗願以外戚奉朝請無屬樞柄以益禍亂復戒厚塋但因山爲壠罷以瓦木不忘斯言是妾受福其納忠容諫遠讒省改帝能保終如一卽無遺恨遂崩年三十六上爲之慟及宮司上其所撰女則十篇採古婦人善事論漢使外戚預政馬后不能力爲檢抑乃戒其車馬之侈此謂捨本恤末不足尚也帝覽而嘉嘆以后此書足垂後代令梓

行之又與羣臣言我豈不通天命而溺於情乎顧以入內不聞善言大失良佐哀不可已既謚以文德塋昭陵因九嶸山以成美志帝自序始末揭陵左上元中加謚文德順聖皇后

賢妃徐氏名惠家本儒族父孝德弟齊眘姪堅皆以學聞惠生五月能言四歲通魯論毛詩八歲自能綴文父使擬離騷爲小山篇詞甚典美太宗聞之召爲才人手未嘗廢卷而辭致瞻蔚恒無淹思帝益禮顧拜爲婕妤再遷充容擢其父水部員外郎益恩以義報恩乃上疏畧曰守初保末聖哲所難業大者易驕善始者難終竊見頃年東戍遼海西討崑丘士馬罷耗漕運漂沒捐有盡之農趨無窮之饕圖未獲之衆喪已成之師是知地廣非常安之術人勞爲易亂之符又因營建翠微玉華等宮言爲政之本貴在無爲有道之君以逸逸人無道之君以樂樂身

至於伎巧爲喪國斧斤。珠玉乃蕩心鴆毒。侈麗之源不可不遏。
陛下蓋思志驕於業泰。體逸於時安。其剴切精詣大畧如此。帝
善其言。優厚賜之。年方二十有四。常謂所親。帝遇我厚。願得身
先狗馬。以侍園寢。帝崩。遂哀慕成疾。不肯進藥。爲七言詩及連
珠。以見意。而卒。贈賢妃陪葬。昭陵女弟爲高宗婕妤。亦有文藻。
世以擬漢班氏。

高宗后王氏并州祁人。祖思政。魏尚書左僕射。父仁祐。貞觀中
爲羅川令。后幼而淑婉。從祖母同安長公主以白太宗。納爲晉
王妃。昇儲冊。居東宮。擢其父陳州刺史。卽位立爲皇后。父拜特
進封魏國公。尋卒。贈司空。母柳氏。魏國夫人。素性簡重。位居正
嫡。不屑曲事上下。母見內人尚宮亦有浮禮。帝先寵蕭良娣。與
之忿爭。更相短毀。會又立武昭儀。性特詭險。初與后共排良娣。

伺后所薄必曲意款結之得賜與盡以分遺凡后所爲必先得
之始懷異謀誣后與母搽左道爲蠱厭帝信之益寵遇昭儀削
后母門籍不許入宮罷舅柳奭不許知政復因李義府等陰佐
昭儀以偏言怒帝遂下詔廢后與良娣皆爲庶人囚之宮中流
后母兄良娣宗族悉於嶺南遂立昭儀爲后許敬宗又奏奪仁
祐官爵久之帝哀念后與良娣間行至囚所呼之三人流淚鳴
咽武后知之促令人各杖之百剗其手足投醞醬中詈曰令二
嫗骨醉數日方絕良娣罵曰武氏妹妬殺我死後爲猫使武
爲鼠生生扼其喉以報后聞詔六宮母畜猫改其姓爲梟后姓
爲蟒自此后頻見二人被髮墜血爲厲以巫祝解謝徙蓬萊宮
厲復見故多駐東都中宗卽位乃復其姓

中宗后趙氏京兆長安人祖綽武德中有戰功終右領軍衛將

軍父瓌母卽常樂公主后初聘爲英王妃歸藩邸武后不喜
于內侍省高鍵牢密死日不知瘞亦不記其所神龍元年追冊
爲皇后謚曰恭贈瓌左衛大將軍及中宗葬定陵議者以韋庶
人義絕不當祔以后禕衣納于窆輿用太牢祭告遷入寢宮招
窆塋之加上尊謚曰和思順聖皇后
韋庶人京兆萬年人祖弘表貞觀中爲曹王府典軍中宗在東
宮選爲妃嗣位立爲皇后無幾帝廢同徙房陵每詔使至帝懼
禍輒欲自盡賴后勸止艱危累年情義甚篤許以得見天日不
復相制及復位后與上官昭容干預大政武三思因昭容引入
宮得幸於后至與升御牀博戲帝從旁典籌不以爲忤由是醜
聲頗聞三思諷羣臣上尊號曰順天皇后親謁太廟左拾遺賈
虛已舉先朝慘禍爲鑒不聽神龍三年宗楚客率羣臣請加號

翊聖詔可禁中又傳有五色雲起后衣笥繪圖以示因大赦賜百官母妻封號太史迦葉志忠上桑條歌十二章后當受命與昔高祖時歌桃李子太宗時歌秦王破陣樂高宗時歌側堂堂天后世歌武媚娘今上時歌英王石州不約而同賜以第一區綵七百段太常少卿鄭愔因之被于管絃補闕趙延禧解釋大爲十八代之符請頒示天下編諸史冊帝大喜擢延禧諫議大夫昭容復諷后如則天故事收服人心表增出母喪服三年民二十三爲丁五十九免五品以上母妻不由夫子封者喪得用鼓吹詔皆從之昭容母鄭氏及尚宮柴氏賀婁氏多樹親黨廣納賄賂別降墨敕斜封拜官貴賤無所分別又引女巫趙氏封隴西夫人出入禁中三年帝親祀南郊后爲亞獻明年元夕與帝微服觀燈縱宮女淫奔不爲檢制引善符術葉靖能善醫馬

秦客善烹調楊均皆得入宮與后淫烝帝旣被弑內外譁咎秦
客及安樂公主后大懼秘不發喪與兄韋溫定策立溫王重茂
爲皇太子尊后爲太皇后列府兵五萬以溫總制守護宮掖諸
韋濯與播分掌左右屯營捷與璿璿甥高崇及武延秀共典羽
林飛騎萬騎然後發喪太子卽位是爲殤帝皇太后臨朝京師
大恐言且革命播璿等入軍中鞭督立威士不爲用悉出怨言
臨淄王囚人情不安夜引兵披玄武門入羽林殺諸人斧闢卽
太極殿后遁入飛騎營及延秀安樂皆爲亂兵所殺分捕諸韋
諸武與其支黨悉誅之梟首東市貶爲庶人用一品禮以葬
睿宗后劉氏父子將毘陵通守帝初在藩納爲孺人俄爲王及
皇太子妃生寧王卽位尊爲皇后降號皇嗣復爲妃長壽二年
戶婢團兒誣與竇德妃挾蠱道祝詛正月三日朝則天於嘉豫

殿旣退同時被害塋時秘密莫知所在睿宗卽位與德妃同時
追冊皇后謚曰肅明 竇氏家世見外戚帝封相王納爲孺人
姿容婉淑動循禮則卽位進德妃生玄宗追冊之後並招覓塋
東都之南肅明曰惠陵后曰靖陵立別廟曰儀坤帝崩追稱皇
太后又同祔橋陵以子貴先祔睿宗廟室至開元二十年始祔
肅明太廟初謚曰昭成或謂增太學又引睿宗聖真冠謚援范
曄漢光烈等爲比太常議曄以帝號標后謚是史家記事體未
必是當時謚且入廟稱后繫夫稱太繫子今帝尚在漢法不可
爲據制從之天寶八載制詔自太穆而下六皇后並增上順聖
二謚乃與肅明昭成並稱順聖皇后
玄宗后王氏同州下邳人梁冀州刺史神念裔孫父卽仁岐小
字阿忠帝封臨淄王聘爲妃將清內難密預次計卽位立爲皇

后以無子愛弛而武如有寵后不平詆之帝因欲廢后承間泣
曰陛下獨不念阿忠脫紫半臂易斗麪爲生日湯餽耶帝憫然
動容由是久不廢其兄守一爲求厭勝術浮屠明悟教以祭北
斗取霹靂木刻天地字及帝諱咒而佩之曰後有子與則天比
開元十二年事覺帝自臨問有狀制詔有司皇后天命不祐華
而不實有無將之心不可以承宗廟廢爲庶人有王譔作翠羽
帳賦以諷帝不聽未幾后卒以一品禮葬素以撫下有恩後宮
無短毀復思慕之帝亦尋悔寶應元年追復皇后武氏恒安
王攸止女幼入宮帝卽位漸得幸以皇后廢冊爲惠妃崇其禮
秩與皇后等帝初在潞愛趙麗妃以倡幸有容止善歌舞擢其
父元禮兄常奴皆美官及是恩弛卒謚曰和又爲臨淄王時選
皇甫德儀劉才人愛亦減薄妃乃專寵封所生母楊氏鄭國夫

人擢弟忠國子祭酒信秘書監將立爲后御史潘好禮諫以武氏干紀亂常天下共疾以妾爲妻春秋所惡願慎選華族稱神祇之心今民間咸言張說欲因立后功圖復右相若一儷宸極儲位且將不安古人所以杜其漸者有以也遂不果立薨時年四十追冊皇后謚曰貞順葬敬陵 楊氏卽武后母黨曾祖士達隋納言天壽中追封鄭王父知農太尉后以景雲初入宮爲良媛值太平公主構逆左右悉持兩端凡宮中動止必以聞帝不自安會媛方娠密語侍讀張說身且不保奈何育子命挾劑以入密於曲室煮之若有介而戈者環鼎三由是三煮盡覆以告說曰天命也乃止生男是爲肅宗卜又不宜養乃命王皇后舉之撫如所生玄宗卽位擢貴嬪肅宗爲忠王進妃其姊卽節愍太子妃開元十四年妃生寧親公主乃薨葬細柳原說爲誌

以舊恩故後以寧親嫁其子埴肅宗至德二載太上皇自蜀還
詔有司議尊稱追冊皇后謚曰元獻寶應中移祔泰陵

貴妃楊氏隋梁郡通守汪四世孫徙籍蒲州之永樂父玄琰早
卒幼養叔父玄珪家始聘爲壽王妃帝自武惠妃薨後庭無當
意者聞妃姿質天挺難於改盟乃令出自己意丐籍女官入居
禁中號太眞教以歌舞妙臻音律更爲壽王聘韋昭訓女而太
眞得幸性機警迎意輒悟遂專房闔宮中號爲娘子儀體與皇
后等天寶初位進貴妃追贈父太尉齊國公擢叔光祿卿宗兄
銛鴻臚卿錡侍御史尚惠妃所生太華公主最見寵遇漸及於
釗賜名國忠三姊皆有美色帝呼爲姨封韓虢秦三國夫人出
入宮掖聲焰轟震臺省州縣奉其請托奔走期會過於詔敕四
方獻餉結納門若市肆信成公主與妃家忤至追內封物奪駙

馬獨孤明官忽一日薄譴還第帝輒不食咎怒左右高力士探知帝意白以殿中供帳司農酒餼送妃所帝不覺聲諾仍分御膳以賜是夕乃召妃還入見伏地泣謝帝亦憮然愈見親渥明日諸姨上食樂作上大喜驟賜左右不貲并諸姨錢歲百萬爲脂粉費加銛上柱國門列戟二弟三姨五家第舍聯亘僭擬宮禁一堂不靳千萬見他第或勝輟去更營之務以宏麗相誇工役不息四方所貢奇珍異產分賜五家如一踵銜於道妃從游幸力士控馬執轡凡供纂組追琢日以千計詭服秘玩變化若神遠近爭鬪新奇進嶺南節度使張九章銀青階擢廣陵長史王翼戶部侍郎由是天下風靡性嗜荔枝必生致乃悅踏車躋馬郵傳數千里味輒未變九載得罪譴歸外第國忠謀於吉溫說帝何惜宮中一席廣使之甘心乃更外辱乎帝感動輟食詔